

金
石
萃
編

金石萃編卷一百三十

賜進士出身 誥授光祿大夫刑部右侍郎加七級王昶撰

宋八

中嶽中天崇聖帝碑

碑高一丈四尺二寸六分廣六尺二寸三
十三行行八十二字行書在登封中嶽廟

大宋中嶽

中天崇聖帝碑銘 并序

翰林學士中大夫行尚書主客郎中知制誥史館

修撰知審刑院事柱國太原縣開國子食邑五百戶

食實封壹伯戶賜紫金魚袋臣王曾奉勅撰

翰林待詔朝奉大夫守府少卿同正輕車都尉

臣白冠奉 勅書并篆額

口口登封 岱宗之四年有事於 汾陰后土親

奠黃玉對越 口口乃並淇河拓太華經塗溫洛望

秩 維嵩言旋上都誕受 丕社無德不報靡闕

不思於是尊 五嶽之祠脩加等之禮分命近口祗

薦 徽稱詔遣冊禮使攝太尉口諫議大夫龍圖閣

直學士陳彭年副使攝司徒光祿少卿沈繼宗奉玉書

袞章加上 中嶽中天崇聖王曰 中天崇聖

帝申殊典也粵若剛柔既位形器肇分上則圓蓋左旋

星辰爲之紀下則黃圖俯察山嶽奠其方卑口口口

陳翁開之精攸託是故昭彰景緯實叅化育之權錯峙
崇巒式表 神明之壤用能妥綏厚載磅礴無垠宣

一氣以施生降

列真而主治事光虞典脩五載之

時巡績著夏王正九州之封略惟中口之絕嶽直闕塞
之口區 京邑在其旁經瀆流其域萬邦輻湊霜露

之所均二室天開風雲之所蓄仙館靖冥宅其下玉漿
口溢湛其開頰木口其幽經紫芝擢乎靈藪哈口口壑
始終乎鶉火之墟嶮嶮羣峯包舉乎坤元之紐龍轡月
童之陟降浮丘子晉之游口畫野逶迤干霄挺拔寓彼
至剛之質洪惟 不測之神至於輔德降祥祝融由

其興夏生賢命世申伯以之蕃周需膏潤於原田殖寶
藏於邦國博大崇高而可仰聰明正直以無私茲所以
盛尸口之儀首口沈口法歲時祈報垂往載以不刊牲
幣吉蠲走殊方而胥暨者也遐觀祕口博考 靈蹤

自書契之云興卽等威之斯辨異軒冕服章之數爲山
林川澤之宗旣秩視於三公亦禮均於四望漢孝武之
口爰啓尸口唐天冊之年聿遵時邁 洪猷益茂昭

薦惟資逮乎口德重熙坤口荐委乃特疏於玉爵用溥
洽於 神休雖事煥彌文而名非極摯汗隆在運消

長口時若乃

鉅宋之有天下也仗黃鉞以開階建

朱口而統靈掃借偽荒毛之跡追皇王挹讓之風

烈祖以功格

上旻赫威靈於九服

神宗以

德綏羣品薄文赫於四遐翼子詒孫重規疊矩卜年有永弈世其昌

崇文廣武感天尊道應真佑口上

口欽明仁孝皇帝躬潛括之姿撫鴻明之運出乎震而齊乎巽就如日而望如雲宣九德以在躬之一戎而纂業慎恤刑典鄙凝脂之煩苛貧布政經同馭朽之兢畏絕濫巾於丘壑寬盍澈於農桑宮罔飾於采椽澤口口於行葦萬民以察庶口伊凝破觚爲圓返羣情於太素懷遠以德篤交聘於殊鄰口靈以朝

諸口志敦不

既被袞而郊 上帝神享克誠故得時協混同歲臻

豐楙 高穹委鑒 真馭戒期荐錫 寶符丕

昭口靈登 岱舉封崇之禮臨口展合荅之祠刻翠

崖之傳蒼巖 隆口之囀口升煙瘞玉闕察之義口

修垂象資生應見之祥紹至遂成口 志對越純休

泊乎五玉會朝 六飛口軼黃緣二口口望三川旣

並走於祠官亦周爰於土口瞻言 翠嶠增肅

皇情口口至以弟勲益爲民而儲祉順時行慶 大

資及於幽遐恭已嚮明寂慮周乎沖漠爰稽往誥肇易

鴻名遂下詔於口口俾口儀於置口用口昭報罄達清

更以爲在

天者五情既隆稱謂

地者列

宮極惟崇壽載之義則均仗助之功曷與登于

帝

錄允契

靈心先是東巡之年已加

崇聖之

建茲開歲愈洽機章于時孟冬或辰輶軒防駕嚴法坐
闕端閣臨遣以示乎必躬信辭以申乎有恪公卿就列
使不奉塗擁翠口之車載温珉之冊山龍盛服羽衛多
儀倫物孔昭歸 尊斯在戊申發軔於京闕幸西致
饗於 廟達四牡趁風六樽登薦其始至也凝露布
淺色晦平林其將升也霽景晏温光含遠宇嘉氣吐蛇
涎之狀商雲呈綵綵之姿及清醮之肅陳復素口之絲

灑口殊禎於史牘浹餘澗於農疇昔者三境登晨乃靈
氛之協地五車受職亦時雪之先期千古同符萬邦攸
仰矧復鋪皇 睿訓納繹微言發爲垂象之文顯述

奉 神之旨頒於著位告厥多方同星日之耀芒口

與墳而擅美矜駿昏之耳目示制作之楷模遂令率土
承流盈達獻議口刊翠壑徧揭 嚴祠衆口上通俞

音誕布琢作山而列踣據口藻以相輝文籍以還莫斯
爲盛而又 壺闈之式 像設攸存 懿號未

彰群黎安仰思舉正名之典用昭作合之崇衆服有加
禱衣允穆卽以其年十二月遣使致告特尊爲 貞

明后莫不義敦咸秩口盡於精虔慶洽惟新永光於儀
矩 吳蒼有成命我實受之 神祇有常奉

我實主之禮文之廢墜惟 聖人修之典冊之徽數

惟 括后行之然則出雲播氣福善庇民啓紘沓之

殊微保延洪之 景祚鎮靜坤軸口然都畿

純佑之功斯爲至矣 懷柔之道庸可闕乎得不

吝昭事之儀懋寅威之志翠旒玉藻飾 如在之眸

容驛領明乘展惟馨之潔祭采物於焉而大備格思由

是而可期赫偉觀於八紘育景炎於億載事存因草履

決幽明煌煌焉秩秩焉真竹素之英口而 帝皇之

盛則者矣是宜發揚 黜錄篆刻豐碑俾民聽之弗

迷協 山聲而共永允資麗藻煥彼 殊連而臣

獲以瓊才溢府 明詔屬辭比事雖慕於口秋相質

披文懼遺於 德美旁稽舊典以為斯銘其辭曰一

沈潛定位 塊比殊形 或融或結 為紀為經 其

方作鎮 含澤儲靈 生物不匱 得一以寧 御彼

崑崙 峙茲中土 帝宅開疆 仙臺胥宇 霜露所

均 梯航攸聚 四國是維 口幾式序 奚其主治

邇矣清真 宣功博載 授職高旻 財成庶賴

陰厲齊民 列辟嚴奉 牲口有倫 乃視公爵 降

周集慶 乃啓王封 口唐累盛 率若貞期 對揚

景命 將極推崇 率口應聖 炎精撫運 蒼震承

基 天臨赤縣 口偃退圻 祀事肅增 祠官口薦

勤恁大寶 交修上儀 謁款隆睢 口塗太室

口慕仙館 斐回雲蹕 何以致誠 於焉望秩 明

詔誕敷 微言有述 温珉載刻 羽衛斯皇 登于

帝錄 飾以口章 信辭郁郁 鸞車鏘鏘 法座臨

道 綰禮具揚 四牡于征 殊庭戾止 潔志秀達

靈心遺喜 霰雪霏灑 卿雲蔚起 口德歆馨

設祥口祉 昔在治口 頤惕明威 道苟中否 神

亦靡依 赫赫口后 聿彰鴻徽 祭則受福 先而
不違 顯顯克崇 丕猷允穆 流詠琬琰 飛英笑
祝 峻岳孟安 高巖口蓋 等國瑤圖 永綏坤軸
大中祥符七年九月七日建

中書省玉冊官文林郎守高州司馬 御書院直學
臣王欽刻字

碑稱封岱之四年謂大中祥符四年也五嶽自唐時
已加二字王號真宗東封岱宗加仁聖二字親謁西
嶽加順聖二字中嶽南嶽北嶽史無加號之文然此
碑云加上中天崇聖王曰中天崇聖帝則崇聖二字

固已先加此時特易以帝號耳中嶽后稱貞明而文
獻通考宋史禮志俱作正明者蓋避仁宗嫌名也宋
史陳彭年沈繼宗傳不云爲中嶽冊禮使亦史之略
也

潛研堂金石文跋尾

李燾通鑑長編云大中祥符四年五月詔加上中嶽
曰中天崇聖東都事畧載其詔曰峻極之嶽神靈主
焉其加上五嶽帝號卽碑所云也白憲書名不甚顯
觀其筆蹟雖使蘇靈芝李邕爲之不能復過北宋人
物之盛亞于唐代矣

中州金石記

按此碑立于大中祥符七年王曾白憲奉勅撰書

史傳曾字孝先青州益都人由鄉貢試禮部廷對

皆第一

宋之三元

景德初累遷右正言知制誥兼史館

修撰遷翰林學士知審刑院再遷尚書主客郎中

知審官院以上歷官傳皆不著年載據碑皆在大

中祥符七年以前也白憲無傳說已見前中嶽中

天崇聖帝號據本紀乃四年五月乙未所加禮志

亦同文獻通考誤作五年而皆不言以前先已加

之此碑云先是東巡之年已加崇聖之號則崇聖

二字是東封時所加也貞明后號本紀不書禮志

則云又加上五嶽帝后號通考作五年十一月戊

戊詔加此碑云卽以其年十二月遣使致告是亦
四年也其冊禮使臣本紀不書通考亦但載制詞
此碑則加帝號時書陳彭年沈繼宗二人加后號
則不詳碑載真宗尊號泐者二字据本紀是崇文
廣武成天尊道東都事畧作帝應真佑德上聖欽明仁孝
十八字也此號是五年閏十月丙子所加碑所不
詳碑云孟冬戒辰精軒飭駕嚴法坐闕瑞闕臨遣
以示乎必躬信辭以申乎有恪戊申發軔于京闕
辛酉致饗于廟庭與本紀所書十月戊申御朝元
殿發五嶽冊之語合蓋加號在五月乙未而遣使

在十月戊申也

賜陳堯咨勅

石橫廣四尺一寸七分高二尺四寸二分十
九行行十三字行書在西安府布政司廳

龍圖閣直學士尚書工部郎中知永興軍府陳堯咨
書

勅堯咨省所奏永興軍城裏井泉大半鹹苦居民不能
得甜水喫用臣親自相度府城東二里已來有水一條
名曰龍首渠其水清冷甘甜只將五七十人開一小渠
引注入城四散於街市居民門前流過却山城壕之內
聞郭士庶人民信道盡得甜水喫用皆上感聖恩事具

悉卿幹用適時精心率職方委于藩之任尤資治劇之
才而能相厭土之高卑究斯民之利病靡煩庶役潛導
迅流直貫城闕俯周屢閉旣蕩邪而難老亦播澤以無
窮矧龍首之清渠寔漢京之舊跡克脩廢墜深副倚毗
閱乃奏章遠茲推美其於歎尙不捨寤興故茲獎諭想
宜知悉夏熟卿比平安好遣書指不多及 十五日

大中祥符七歲甲寅九月九日立

堯咨自署官與史本傳合傳云長安地斥鹵無甘泉
堯咨疏龍首渠注城中民利之卽指其事堯咨字嘉

謨堯叟之弟

關中金
石記

按龍首渠因龍首山得名在西安府城山在城北
十里水經注蕭何因龍首山營未央宮山長六十
餘里頭入于渭尾達樊川云昔有黑龍從南山出
飲渭水其行道因山成跡山卽基闕不假築高名
山記云龍首山西北高處爲秦長樂漢未央稍東
南六坡爲隋城唐西內其東爲唐南內興慶龍池
之所其北爲唐東內大明宮含元宣政紫宸蓬萊
金鑿諸殿南內東南引滻水入城爲龍首渠入東
苑爲龍首池龍首殿皆以山得名此碑是陳堯咨
知永興軍時濬渠利民奏聞眞宗因降勅獎諭堯

咨卽自書勅而勒石也碑結銜與史傳合而傳無
年載可攷東都事畧亦同惟隆平集載堯咨咸平
三年登進士擢知制誥景德三年貶郴州團練副
使大中祥符九年復知制誥遷集賢院又遷龍圖
閣直學士知永興軍据此則知永興在九年而此
碑立于七年已居此官似隆平集誤以七爲九也
濬渠固利民而堯咨性豪侈所爲作不法史傳諸
書皆同朱子名臣言行錄稱堯咨精于弧矢自號
小由基爲知制誥出守荆南回其母馮氏問之曰
汝典名藩有何異政堯咨曰州當孔道過客以堯

咨善射無不歎服母曰汝父訓汝以忠孝輔國家
今不務仁政善化而專卒伍一夫之技豈汝先人
之意耶以杖擊之金魚墜地夫善射尙無戾于吏
治而母訓之嚴已如此此賢母之可爲法者因附
識之碑以九月九日立勒文有夏熱鄉比平安好
之語下注十五日不詳何月大約是六月所降也

北嶽醮告文

石高六尺五寸四分八厘每面廣一尺三分
四行行四十字行書篆額在曲陽縣北嶽廟

北嶽醮告文

御製

中散大夫太子中舍上輕車都尉臣白憲奉 勅書
并篆額

維大中祥符八年歲次乙卯二月壬子朔二十五日丙
子皇帝 稽首言伏以列辟之規有邦之典必依憑於

神化用保佑於生民禮存大亨之言書著咸秩
之訓上下之祀必在於交修人神之和乃臻於多福所
以勵明誠於鑒寐奉嘉薦於苾芬庶使 不測之靈
誕昭於 忽恍無彊之應允洽於 希微竊念猥

以眇躬紹茲大寶荷 監觀於 穹昊承 積

累於 祖宗致百福之來同由 三神之儲祉

向自交馳玉帛倒載干戈尉候聊存風俗無外古先盛
德之事閃不繁興 圖清眷佑之心由其丕顯蒞春戒
序吉日協期夕夢先通 秘文嗣降既而徇鄒魯之望
幸脩云岱之上封 綠錯之圖疊承於 錫美紫煙之
燎言獲於升中以至輯玉於魏雕旋軼於邾鄆款
后祇而躬祈稽事朝 山園而再展孝思 賦

馭下臨 璿源述悟珠臺肇葺 寶字奉安將以

伸邁追齊軋鞏定國陽之位方荅乎 天祺詣渴

曲之達先朝乎 道秘歷平臺而駐蹕尊藝祖而建

都盛則繼揚爾文悉舉率土脩貢興誦多歡律呂回環

未盈七載禮容首冠俄已三成自先置之辰沆飲至之
日鴻猷景鑠旣已有融 美貺禎圖抑復無筭尔乃甘
泉滋液神草紛披珎木交柯靈禽接羽喬雲炳蔚嘉氣
氤氳日月揚於榮輝星宿應於瑞謀考於曩古益墳史
之未傳萃于方今乃耳目而咸熟至若齊璇璣之七政
和玉燭之四時通範圍之書文惠海域之黎獻于倉之
積盈儲峙於大農三尺之繁措刑辟於司寇顧惟眇薄
成此治平欲仰報於 百靈用永安於九寓乃詢甲
令于掌禮之官乃訪秘科于脩真之士載念始緒儀於
岱嶽俄飲至於熊都或豐厭牲怪或潔斯殞藻

或崇壇而斯建或 靖館而斯臨雖復欽翼內增齋明
上達然而茫茫 曾宙杳杳 方與其載無聲其

功不宰高也明也豈神竈之所詳知 經之緯之豈豎

亥之所徧步穹壤之表非可以臆論鬼神之神莫諸乎

綏見寒門所會既秩序而靡彰塗山所朝亦壇宇而曷

識 璇臺珠闕逸處於鴻濛之中金簡琅函莫盡於

杳冥之際其有熙熙 妙用幽黃 丕功或 命

靈之云吡戎 造化之攸輔烈風迅雨仰其節宣

精氣遊魂資其陶冶或高處於清都紫府或下居於名

山秘洞或 德及庶物世罔之間或 力濟羣生人

弗之爾雖茂承於

純嘏而終闕於豐禋茲謂弗

欽何偉大報由是內懷碧若遠考編于庶達寅威以醴

况施矧復載稽地志頌眺

靈區挺

高嶽

以奠方號

下都而今治

神鄉福地咸紀寶章

乘煙御風常颺

款駕是以擇陽和之序贈

峻極

之峯竝遣輜車遐脩醺席縷形善禱罄達至虔夫國之所保者民民之所尚者生生之所切者食食之所豐者歲儻或疵癘靡作富庶允登壽考可期順成常洽然後八荒之外俗變風移九服之中導德齊禮衣冠不異何止於緩刑文告靡施孰煩於用武是則

天之祐

也 神之顧也敢不勵乃志懲乃心以保乎盈成
以戒乎逸豫兢兢爲務庶協於永圖翼翼在懷實期乎
來格 無任懇側之至謹言

御書院祗應臣王守清鑄

北嶽安天元聖帝碑

碑連橫高一丈三尺八寸廣四尺四寸三
十二行行七十字行書在曲陽縣北嶽廟

北嶽安天聖帝碑銘 并序

翰林學士太中大夫行給事中知 制誥兼龍圖閣

學士祕書監同修 國史集賢殿修撰知禮儀院上

柱國招信縣開國子食邑六百戶賜紫金魚袋臣陳

彭年奉勅撰

翰林侍 詔承奉郎守少府監主簿賜緋臣邢守元
奉 勅書并篆額

臣聞

天有成命所以啓貞期國有崇名所以伸

大報是知接

丕統擁

元符蓋

明靈之幽

贊考懿典興闕文乃邦家之欽奉而况地有高嶽以奠
於坤維 嶽有至神以毗於 乾化含澤

布氣罔不蕃滋正位辨方實分垣域若乃俯當坎位仰
應辰星日以茂丘奠茲禘易宜乎禮秩之有盛感應之
无垠者也 崇文廣武感天尊道應真佑德上聖

欽明仁孝皇帝膺元靈於

上穹繼

優源於遠

古紹

祖武

宗文之烈承

天清地寧

之基五營八校之兵罔興熒伐三德九事之政靡不誕敷咸池濛汜之鄉由其底定楛矢沒羽之貢亦既來臻至道非子雲之可談盛德豈吉甫之能頌故宜舉列辟未行之典祈生民無疆之休粵以

靈文申錫之四

年郊丘飲至之十月上下之祀於是交脩小大之神以之咸序瞻言巨址茂顯明威由是考曠絕之鴻規成欽崇之縛典以爲奉

徽稱於王再未荅炳靈增偉號

於

帝國允昭輔德爾乃盤根千里設險兩河馳

次直於虛危是爲神域形勢降於遼碣信曰名峯神卉
甘泉靈地瑞璧禮述并州之鎮史傳簡子之符爲

皇朝受姓之區迹

先帝觀兵之地肇隆基命

首冠羣方疇德

聰明克膺丕律乃詔曰

北

嶽安天王可增號

北嶽安天靈聖帝既而治禮

之士消吉日於惟良掌故之臣練鴻儀於有秩奉常布
令未央會朝百執交趨八音在御采章之色炤耀於

明庭雲日之祥焜煌乎昧旦

上被華袞秉鎮圭

步自青蒲臨於黼坐出板詔命輶軒以尙書工部侍郎
馮起攝太尉太僕少卿裴莊攝司徒奉玉冊袞服于曲

陽之祠

上誠明內積乾鞏外增緬想

威靈有

同觀止恭冊將陞於文陛卽爲之興瑞節已出於端闈
然後乃能於是列藻衛引清笳交戟夾於華戟列纛抗
於夷路六駟之駟鳴朝吹而蕭蕭九旗之旂映朝霞而
泮泮自神臯而肅駕屆靈趾而駐麾首童聚觀袂成帷
而汗成雨次舍所歷車不殆而馬不煩載協元辰順揚
大禮先之以嘉薦是饗而是且繼之以祝辭克誠而克
信奉琢玉之笄上升龍之衣殿邦之臣率官聯而侍祀
授命之使達朝旨而報釐於是 神鑒至勤 天
垂元吉紛紛而降六出以滋良田萑萑而收千箱終成

德歲致茲上瑞屬在

乃神復以配

磅礴之靈

挺拱樞之德中饋之治協象於犧經作合之功齊聲於
周雅增輝曰

靖明后思河洲之茂德正禴伏之

不名所以昭秘社於咸宜履徽章於盡善旣而公翰碑
藝仲將效工增梅梁之規以成其大壯題銀榜之字用
示於方來當

景樂之紹伸必丕敬之曷見或美乎

方地爲英爲甘或麗於曾穹爲慶爲喬布之與誦積于
頑圖足以見

天地之心聳華夷之聽載念

翁闕斯辨融結云分麗霄極而著明是名列緯時方隅
而定位乃曰靈山昭回之輝旣輔於臨鑒峻極之勢亦

助乎資生雖高下而殊形蓋生民而咸仰雖古今而異制抑明祀而常脩而况藏疾以昭仁設險以爲固出油雲而布澤稼穡是滋育珍木而中村斧斤斯取龍蛇所宅瑤琨寔繁植物之依故無筭也羣生之利良則多焉所以有邦聿崇薦享虞書之典既曰望于周詩之篇亦云祈爾秦之創統圭幣言加漢之承平壇壝載闢豈獨傳云乎庶禮謂之獲者哉矧復膺期運於千齡爲

宗主於萬國欽承乎

上帝丕冒乎蒸民天下歸

仁壽之封海外同車文之迹

丹書綠圖之瑞繼乎

溫洛策河五玉兩圭之祠盛乎泰壇方澤人之多幸千

倉儲虞之餘資史不絕書景風甘露之嘉瑞蓋 兩

儀之所祐百靈之所扶故當滂蒞 宸襟述宣丕祉

晦咨令典順考績謙遵必報之言協至公之舉尊名嘉

號升 帝尊之會昌備物多儀顯國容之豐洽然則

明神之職默定於羣倫 元后之心大庇於區宇

靈命攸執蓋黔黎之所依精意以伸乃勝靈之來鑒

德之壽也于以薦神神其聽之由夫享德今 皇

上以熙盛之德祗達於克誠 名山以正直之神茂

膺於徽典人祗昭合福祿來成與夫歲奉三祠聞於往

日邑封百戶著于舊章此其盛哉彼奚取也夫報况授

職之應

高嶽之鴻靈祈福庇民之心

昌朝之

純懿期億載之傳信捨斯文而曷觀金刻所憑筆精攸
屬臣願慙情學獲侍凝嚴雖罄諛才何伸嘆頌備副車
之間莫對於 德音刊樂石之銘徒膺於 恩詔
既拜手而罔命乃洗心而屬辭銘曰

茫茫 后土實載羣倫奔奔峻嶽必有 明神彰厥不

跡佑此黎民成稔之祀舊史相因來同之應多福常臻

猶歟常山奠茲湖土其高累千厥名兼五嘉卉寔生靈

泉攸吐頌靈儲瑞聞於往古贊德依人輔于 明主親

昌運赫赫 大君 王猷誕布 帝德升聞乃成

至治乃受 秘文鴻儀歸奕嘉應紛紜決洽區宇輝
映典墳順考舊章登揚邦禮言奉 帝名仰醑 靈祉
刻字溫壁遣使文陸載以齋車翊之經騎合吉元日達
誠潔祭流輝銀榜增號 椒蓮棟梁曲宥黍稷芬馨顯
茲 景况冠于祥經人神交感命靈嘉亨縑緗協美瓊
璽刊銘

大中祥符九年歲次丙辰四月甲戌朔二十一日甲
午建 臣王文秀刻

東染院使銀青光祿大夫檢校工部尙書知定州軍
州兼制置營田管內勸農事充鎮定等路駐泊兵馬

鈐轄兼御史大夫騎都尉彭城郡開國侯食邑一千五百戶臣劉承宗

真宗既封泰山祀汾陰而褒及恒山之神也陳彭年故非端人語多容媚邢守元書亦習聖教而有得者但結體太疎倘遇王績便當避三舍矣矧右軍乎

華集

文云粵以靈文申錫之四年郊邱飲至之十月詔曰北嶽安天王可增號北嶽安天元聖帝按宋史真宗紀大中祥符四年五月乙未加上五嶽帝號作奉神
述十月戊申御朝元殿發五嶽冊碑稱十月者據奉

冊之日也說文鄗河東臨汾地而漢之所祭后上處
此云鄗邱飲至謂汾陰祀后土禮成也對禮之使爲
攝太尉尚書工部侍郎馮起攝司徒太僕少卿裴莊
通鑑長編紀事具載東嶽南嶽西嶽中嶽奉冊使副
官職姓名獨遺北嶽當據此以補其闕宋史裴莊傳
大中祥符祀汾陰遷太僕少卿爲北嶽加號冊禮副
使撰北行記三卷以獻卽其事也職官志定州兼安
撫使馬步軍都總管碑後列知定州軍州事劉承宗
結銜稱充鎮定等路駐泊兵馬鈐轄蓋其時定州尙

未設安撫司也

潛研堂金
石文跋尾

按北嶽之在曲陽本書卷七十三北嶽府君碑論
之已詳茲不贅真宗親製醮告文首云大中祥符
八年歲次乙卯二月壬子朔二十五日丙子稽之
宋史本紀不書其事文獻通考同禮志有云帝自製五
嶽醮告文遣使醮告卽建壇之地構亭立石柱刻
文其上而不著年月以前後兩碑證之知撰文醮
告在八年刻文立石在九年也醮告文爲白憲書
則嵩陽石刻記所未及者此碑爲陳彭年邢守元
奉勅撰書史傳彭年字永年撫州南城人景德三
年累遷右正言充龍圖閣待制賜金紫大中祥符

中進秩工部郎中加集賢殿修撰三年改兵部郎
中龍圖閣直學士遷右諫議大夫兼秘書監賜勳
上柱國六年召入翰林充學士兼龍圖閣學士同
修國史祀太清宮副丁謂爲經度制置使又同知
禮儀院禮成加給事中國史成遷工部侍郎九年
拜刑部侍郎叅知政事正月九日侍真宗朝天書
如廁眩仆還家二月卒傳所載歷官如此以碑校
之則加給事中以前歷官雖較傳爲略而存者皆
有年可攷遷工部侍郎以下碑皆不及宋史宰輔
表亦不書
彭年爲祀太清宮乃七年正月事則此文當卽撰

於是年或在八年與醮告文同時所出若九年四月立碑彭年卒已兩月矣書者邢守元無傳

朱昂等送陳瞻赴任詩

石橫廣四尺高二尺九寸
廿三行行二十一字正書

送新知永州陳秘丞瞻赴任

翰林學士知制誥判史館事朱昂

赴郡逢秋節晨征思爽然過橋猶見月臨水忽聞蟬野
色藏溪樹香風撼渚蓮此行君得意千里獨搖鞭
尚書比部員外郎直史館洪湛

零陵古郡枕湘川太守南歸得意年茶味欲過衡岳

寺橋香先上洞庭舡錦衣照耀維棄地

同年家于衡石山今出其下

驚鵝飛欲雨天若到浯溪須艤棹次山遺頌想依然

秘書丞直集賢院劉騰

秋風清緊鴈初飛半醉搖鞭出

帝畿名郡又分紅

施去故鄉重見錦衣歸剖符雖暫宣

皇澤視草終

須直

紫微從此南軒多倚望好詩芳信莫教稀

開封府推官秘書丞直史館孫冕

桂林南面近徵黃又愛江鄉出

帝鄉

新命不

辭提郡印甯山重喜過衡陽樓臺滿眼瀟湘色道路迎

風橋柚香知有

太平經濟術政閑時節好飛章

秘書丞李防

昔年同醉杏園春，別後花枝幾番新。彼此官遊疎翰墨，
等閑交面喜。絲綸已領印符。榮親未必須萊子，晝
錦何當只買臣。布政莫爲三載計，
清朝臺閣整口

人

按陳瞻史無傳，其知永州也。作詩送之者五人，其
中劉隲、孫冕二人見宋詩紀事。餘無攷。紀事云劉
隲官工部員外郎，直集賢院。有詩見西崑酬唱集。
孫冕字伯純，新淦人。雍熙進士。天禧中尚書禮部
郎中直史館，出守蘇州。此石刻不題年月。据孫冕

守蘇州在天禧中則其官推官當在天禧以前因
總附於大中祥符之末

保寧寺鐘樓碑

碑連額高九尺二寸廣三尺九寸二分二
十八行行五十字正書篆額在興平縣

京兆府興平縣保寧寺浴室院新修鐘樓碑記

新貢進士冉曾撰并書

第三班借職監商稅商篆額

粵自鶴林入滅大雲之教方行金字垂文甘露之源攸
選是以廣大千之世界闡不二之法門用導群迷俾登
正覺故得朱星紫氣炳燠於禎祥銀樹金花精虔於供

養所謂神道設教於不滅民德歸厚於無邊爰從魏晉
已來降及齊梁之際竺軋之法漸暨於西方貝多之旨
盛傳於中夏蘭若栴比固非五里以鳴牛浩劫輪迴曷
觀三年而拂石前則達摩惠可更玆七聖之財後則羅
什圖澄愈大三乘之本蓋有裨於王化寔無紊於國經
遂俾

當宁之尊益堅於信尚而變可封之俗盡
溺於修持矧乃削髮毀形者實繁有徒貪福畏禍者無
遠弗届是故捨圭田之利以飾白蓮之宮殫園府之財
用贖紫金之像刹宇之勢相望於康莊鍾唄之音交逸
於雲漢欲以圓如來万字之印開菩提七寶之房者矣

興平縣居龍渭之陽隸鶉都之右局稱槐里唐号金城
乃石星殞異之鄉實浪井蒞祥之地咽喉甸服襟帶神
臯田疇上腴民物豐富故車航之混混信往來之憧憧
驗以版圖提封幾乎万井觀其地志列樹廣乎三條顧
象雷之居方乃劇驂之要害保寧寺茲巨之大招提也
面正南方位當軋鄙三扉顯敞上規閭闔之形百雉紆
餘俯臨閭闔之隘煥乎淨土昭然化城惟此邦之居民
多專心而佞佛香燈之供幾乎重賦木石之功殆乎勝
人故此寺鍾樓者乃浴室沙門知遵所修也知遵紹諸
祖之基稟先師之訓深成密行克持淨名更精初地之

因僅守小乘之戒而心實無相身尙有爲乃觀寶地之
庭攸闢豐山之器則何以聲乎晝夜節於逖遐歸依之
間莫安於四衆叅請之際或失於六時師乃堅匪石之
純誠鳩潤屋之餘利十方之所景附千室之所悅隨惣
萃豐財克成能事師於咸平中遂詣坊州大冶鑄斯洪
鍾□□□既成尙秘秋分之韻在懸攸擊漸揚霜降之
音其鑄也同夏鼎之功其名也類景鍾之大伊薄厚而
得所在侈奄以居中豈可同樂府以編形並靈臺而振
響師乃成茲重器載以大車不逾朞旬便臻攸館艱危
荐歷功庸克全於是乃擇良辰遂營層構當乎蒼震之

位居於定屋之中歲事弥精庀徒胥悅運斤者成風之
妙荷鋪者如雲之繁旣豐撲斫之形復煥丹青之飾陰
虬增絢陽馬騰光名聲飛以神行紺獸蹲而峯峙觀壯
麗之象極般爾之全能聽輪奐之詞叶趙文之善頌信
可侔井幹之制度擬麗譙之規模雖一匱以從椒俄三
休而崇峻形勝斯萃物力告殫簞簞攸張舉萬鈞而在
上鯨魚用刻扣九耳以居旁象在其中盡覩有緣之相
聲聞于外咸臻極樂之方足以通法界之威靈感神龍
之護衛西霞非擊乃天風之自鳴大海初聞故劫輪而
不下方袍之士允諫於至誠比屋之家愈遵於善道師

以懿勤式備勝利斯周忽夢兩楹之間示寂雙林之下
蓋以歸三空之勝境正七覺之妙花俾白鶴以哀鳴動
青牛之悲感師之善果夫豈偶然上足弟子其以門人
克隆堂構堅挺鶴鳴之操不忘蟻術之勞每於焚脩之
餘恪奉莊嚴之事復乃淨心蓮而不撓傳法印於無窮
曾寓迹公齋游心道素忽因暇日多訪仁祠與其嗣師
常相往復故問其鍾則切於待扣登其檻則何止銷憂
是以先師之令名已垂於脩史先事之營事尙闕於文
言曾輒以謏才恭承重請察勤拳而弥固在牢護以靡
寔不然何以啓迪鴻猷形容盛事觀此干雲之狀還疑

變化以云爲聽斯雖雉之音豈徒鏗鏘而已矣但罄空
疎之識聊書崇制之因僂俛成文祗副來命

天禧二年歲在戊午六月壬辰朔十八日己酉立

小師前院主僧善明院主僧善海建供養主僧

善林 典座僧善通 善江 師孫□成 三綱僧

永□ 本真 法智 官□□僧□□

將仕郎守武功縣主簿權簿尉郝□

承奉郎守大理寺丞知縣事兼兵馬監押冉宗元

將仕郎守縣尉陸□ 刻字安文晟

文甚華贍足傳行書亦整健商自署官爲三班借職

監商稅者三班借職武臣之初階監商稅隸太府寺
都提舉所謂諸州易務雜買務雜買場者是也

歸中
金石

按陝西通志保寧寺但云在興平縣西街不詳興
建始末其浴室院鐘樓亦無攷書碑篆額之冉曾
冉商兄弟史固無傳書譜亦不列其名

教興頌

碑高二尺一寸二分廣四尺一寸三分
分十八行行二十一字篆書篆額

大宋教興頌

并序

盧儀先生撰

趙郡唐英書

前朝顯德季年□□□□沖人嗣位海嶽震盪鬼神不
寧玉版既終金碑□□巍乎神器殆若綴旒六合絳是
竦觀三靈以之改□神道輔德百姓與能邇無異言遠
無異望眷我皇□靈敷在躬嗣夏配天不失舊物
車旗正朔無改於□□文物聲明載采於周禮罰壺闕
之叛平淮甸之□□首戴干戈躬擐甲冑六拔之怒
未泄二兇之口俄平日者文表起戎保權告難北軍爰
整南服又口磔湘鳥以四分斬巴蛇於千斷席卷吳會
氣飛衛巫不四三年書軌渾同天地交泰則自古帝王

教興之道未有如建隆之盛哉無愧之辭敢以爲頌
維周嗣皇昏冲不綱二世而亾 維宋肇基受命咸宜
天人口祇 維帝龍飛應運口時雲行雨施維天爲大
無口不蓋民斯愛戴於鑠 我皇神武會昌天地同光
授釐宣室景靈昭質無疆唯卹洞庭漣漣巴陵遷遷億
萬斯年

皇帝嗣明高之三葉歲在未月建午日丁卯

攝太常寺太祝李夢徵傳本

安燦刻字

虛儀先生不著姓名不知爲何人但碑頌爲太祖作

臣子頌君而以先生稱何不恭之甚也按宋史乾德四年命慕容延昭等討湖南將張文表未至而文表已爲武平節度使周保權所殺延昭等又克潭州執保權湖南悉平碑所云文表起戎保權告難正指此也碑後所署歲月云皇帝嗣明離之三葉歲在未月建午日丁卯攷太祖開寶四年辛未是時宋有天下十二年矣所云三葉蓋十二年也

金石存

右教興頌題云虛儀先生撰而不著其名序云日者文表起戎保權告難北軍爰整南服又口頌云洞庭漣漣巴陵遷遷億萬斯年蓋叙宋初平湖南事也宋

史文苑傳有馬應者博有文名多服道士衣自稱先生開寶初倣元結中興頌作教興頌以述太祖下荆湖之功欲刊石于永州結頌之側縣令惡其夸誕不以闕此頌三句一轉韻與中興頌同格署先生而不名知其爲馬應所撰也碑後題年月云皇帝嗣明離之三葉歲在未月建午日丁卯山陽吳玉搢以爲開寶四年辛未予攷開寶四年五月乙未朔無丁卯日其時宋有天下十二年爾雖三改元不當云三葉且太祖開剏之主不得云嗣明高也碑末書攝太常寺太祝李夢徵傳本則勒石之時去開寶初已遠矣宋

自太祖至真宗有天下者三世葉者世也云三葉其在真宗之世乎真宗景德四年丁未五月丙申朔無丁卯日惟天禧三年己未五月丁巳朔丁卯乃月之十一日也故定以爲天禧三年云

清研堂金石文跋尾

按碑題大宋教興頌文云則自古帝王教興之道未有如建隆之盛哉教興二字蓋取左傳其興也悖焉之義教字說文所無廣韻云教卒旋放之貌司馬相如子虛賦嬰媻勃率上金隄顏師古注謂行於叢薄之間也勃率卽教卒是教與勃通左傳音義云悖蒲忽反一作勃同是唐初古本有作與

也勃焉者勃悖教三字聲義並同故借教爲勃碑
又云皇帝嗣明高之三月以離爲高從鄭氏易也
宋人尙知古字如此惜唐英之名無可攷矣

中嶽醮告文

柱高五尺二寸八分面周廣四尺六寸三十二
行行三十八字行書篆額在登封中嶽廟

中嶽醮告文

御製

翰林侍 詔朝奉郎行少府監主簿賜緋臣劉太初
奉 勅書并篆額

文與前北嶽醮告文同不錄

中書省玉卩官 御書院祗候臣沈慶

臣晉文寶鶴

天禧三年九月 日建

按太初爲翰林待詔以書爲職其書有唐人風故可觀也宋諸奉勅書碑皆御書院祗候刻字設有專官以共其事此他代所未及也

說詩

文用石柱起爲稜觚磨平面面刻之宋史禮志真宗自製五嶽醮告文遣使醮告卽建壇之地構亭立石柱刻文其上余今所得中嶽廟者此蓋其一而以文案之則大中祥符八年歲次乙卯二月壬子朔二十

五日丙子也志于年月從略得此可證明也

投堂金石三版

摩騰入漢靈異記

碑橫廣六尺高二尺七寸三十五行行二十五六七字不等行書在洛陽白馬寺

摩騰入漢靈異記 第四中錄出白馬寺舍利

己巳之歲四月八日 孝明皇帝駕幸鴻廬御寺

謁二三藏問對數次弥加禮重得迦葉摩騰口

陛下曰寺之東鄰是何館室 皇帝曰彼中時

昔無故忽然勇起可及丈餘人或之平尋復隆阜其上
往往時發光明民所異之乃聞上國政因該祀典遂名
洛陽土地之神其所阜者土俗謂之聖塚今在途中凡

所祝告皆隨懇頓自口而下蟬聯命享情未知由三藏
曰噫余嘗於中印度躬覽合藏其中所云如來滅度百
年之後有阿恕伽王起八方四千七寶塔安佛舍利那
闍羅漢運以神通將右手掩日放八萬四千光攝衆寶
塔口彼光內旁視四維上極空界八萬四千同時而葬
文曰東土支那有一十九處云口有口口時而出余今
至此屢目神光無異中印口光明口今陛下所言聖塚
者乃十九數中之一必不虛焉是時二三藏遂命

皇帝口百寮同詣彼廟列聖塚之前三藏數座興而
歸禮
皇帝與宰臣亦禮當禮次聖塚上現一圓

相影二三藏禮

皇帝三身如鑑照容分明內現

其餘臣寮但覩其光不現其身口相謂曰我輩寡福不
現其身由是口口口各見口身獨在光內皆曰其口偏
照於我已而二三藏以梵語口口而衆咸稱未之如也
時 皇帝聖情悅懌口口素口感恨流涕語二三
藏曰朕若不偶二師口能覺佛遺祐矣自是方深信

釋迦牟尼真身舍利之塔也

皇帝遂勅所

師令稟三藏制度崇是浮靑自是年二月一日起口至
庚午歲十二月八日口功告畢凡口口高五百尺岌若
岳峙塔口齊雲寺通白馬至後周二年四月八日塔上

現五色神光天香氤氳罔知何至而自光中口一金掌
持起寶塔可高尺餘色如瑠璃內外明澈自午及申口
口方隱時 皇帝泊宰臣并士庶咸瞻勝相欽玩

無教人之右逮光亦右逮人之左旋光亦左旋皆悉嘆
仰不知所以然而然也當是口口口千衆中有梵僧九
口僧伽摩羅等咸謂正是阿恕伽王口口所造之塔口
樣也竺乾亦有三處我曾數禮奉因是靈感弥益信心
口流終古長興二年二月八日記

巨宋天禧五年正月七日重建

西蜀武都山僧景遵書

西京□□□白馬寺主淨□大師賜紫文翊

景遊無書名而字體絕類聖教序北宋人書猶有晉

唐風格長可愛也

中州金石記

按河南通志白馬寺在河南府城東漢明帝時摩
騰竺法蘭始自西域以白馬馱經來初止鴻臚寺
遂取寺爲名置白馬寺通志但詳興建之始而於
入漢靈異無一語及之殆亦以此碑所載語近夸
誕不足錄也摩騰事詳高僧傳已見前卷碑云己
巳之歲四月八日孝明皇帝駕幸鴻臚卿寺此指
漢明帝也己巳爲永平十二年明帝以永平七年

正月十五日夢金人遂遣王遵等西訪佛法至月
氏遇摩騰竺法蘭將四十二章經載以白馬同回
洛陽時十年丁卯十二月三十日也此則紀十二
年帝幸鴻臚寺禮聖塚因建浮圖事然前已云已
巳歲四月八日後云自是年二月一日起至庚午
年十二月八日功畢先四月而後二月其語不可
解也又云後周二年四月八日塔現五色神光末
云長興二年二月八日記所稱後周不知何時若
云五代之後周則不應在長興之前若云宇文周
則無年號可紀不知爲何帝之二年文之謬悠如

此至其以鴻臚爲鴻臚以所師爲所司又不足論
已

杭州放生池碑

碑連額高一丈四尺六寸廣七尺二寸五分二十一
行行三十三字正書篆額在杭州府西湖賣石山麓
杭州放生池記

朝奉大夫給事中知杭州軍州兼管內隄堰橋道勸
農市舶使提舉杭蘇一路兵甲巡檢公事護軍太原
縣開國男食邑三百戶賜紫金魚袋王隨撰

錢塘僧思齊書

宣德郎守大理寺丞監杭州清酒務吳遵路篆額

粵若星辰麗天斗宿分揚州之域江漢爲紀湖河控餘
杭之地斯郡也民俗繁侈山水奇秀搃軍戎之重乃東
南之鉅屏無兵火之沴爲吳越之福壤羅城之西有湖
曰錢塘或謂上湖亦云西湖賈利相望緣岸百餘寺煙
景可愛澄波三十里實二浙之佳致一方之上游也天
禧三年秋七月 相國太原公自巖廊之任膺麾符

之寄坐

召棠以

敷化訟息而刑清奉

漢條以班春

境肅而物泰未朞月衆心熙熙然如登

杜史之

臺矣明

年秋八月

公祇奉

詔召入覲

象闕澤國

留昔禱之頌

當宁厚晝接之眷因

上言是湖也

最爲勝境俯瀕

佛宮居人蠶食盡取其中

國

家每以歲時

所乃民福星昭至止精設於

蘭若羽服陳儀恭投於龍簡頤禁採捕仍以放生池名

爲請

皇帝仁及萬有

惠濟羣品

法神武

之不殺守慈儉以爲寶

奏曠誠激

凝旒喜動

潛發

中旨普令茂育

絲綸適降已改觀於方

塘罔罟靡施免有歎於頰尾旣厚生生之樂永煥

巍巍之業隨忝職瑣闕承乏方面獲覩善利思勒於金

石媿無好辭聊紀於歲月者已時天禧五年三月二十

七日記

陶珉趙克和縉

朝奉郎行太常博士運判軍州兼管內隄堰橋道勸
農同監市舶司事騎都尉借緋林從周 承奉郎守
大理寺丞知錢塘縣事楊告 文林郎守錢塘縣尉
張仲顏

中散大夫行尚書都官員外郎通判軍州兼管內隄
堰橋道勸農同監市舶司事上輕車都尉李□□
承奉郎試大理評事知觀察判官廳公事段少連
登仕郎試秘書省校書郎錢塘縣主簿李祺

兩浙路提點刑獄勸農副使左侍禁□閣門祇候王
世文 左班殿直閣門祇候兵馬都監兼在城巡檢

臧滬 觀察推官承奉郎試大理評事苗□

兩浙路提點刑獄勸農使朝奉大夫行尙書度支員

外郎護軍借紫朱□ 左班殿直閤門祗候杭蘇

等八州軍都巡檢使孫逢 節度推官文林郎試秘

書省校書郎□□

兩浙諸州水陸計度轉運使兼提點市舶司本路勸

農使朝奉郎尙書度支員外郎上騎都尉賜緋魚袋

借紫方仲荀 左班殿直閤門祗候兵馬都監兼在

城巡檢韓允文 承奉郎試大理評事知節度掌書

記□□

兩浙諸州水陸計度轉運使兼提點市舶司本路勸
農使朝奉大夫尙書工部郎中柱國賜紫金魚袋曹
定 西染院副使駐泊兵馬都監同提舉杭蘇一路
兵甲巡檢公事李昭慶 登化郎守少府監丞知仁
和縣事李□

按此碑在杭州西湖北岸昭慶寺西石塔頭旁連
民居環以土垣故雖露立山坡風雨凌轍外瞻若
多剝蝕而字徑三寸大書深刻搨而讀之了了可
辨文僅泐五字全篇載西湖志藝文卷中今取以
校補碑臨大路之北路南爲陳氏就莊乾隆四十

七年間昶重修西湖志館寓莊中與此碑觚突相
接編訂之暇往往步履山岡徘徊碑下者久之碑

爲王隨撰僧思齊書吳遵路篆額宋史列傳王隨

字子正河南人

東都事畧
河陽人

真宗朝擢知制誥累知

揚州加右諫議大夫權知開封府仁宗爲太子拜

右庶子仍領府事坐事奪知制誥改給事中知杭

州隨外若方嚴而治失于寬性喜佛慕裴休之爲

人故其撰此碑述瀕湖佛官禁民採捕語多親切

碑彙銜云兼管內隄堰橋道勸農市舶使提舉杭

蘇一路兵甲巡檢公事此與他知軍銜不同浙西

水利以河渠爲亟河渠以堤堰橋道爲重宋史河渠志熙寧元年十月詔杭之長安秀之杉青常之望亭三堰監護使臣並以管幹河塘繫銜常同所屬令佐巡視修固以時啓閉據此碑則在天禧中已以堤堰橋道繫銜不待熙寧初矣職官志載巡檢司有沿邊溪峒都巡檢或蕃漢都巡檢或數州數縣管界或一州一縣巡檢掌訓治甲兵巡邏州邑擒捕盜賊事此王隨以杭蘇一路兵甲巡檢繫銜乃所謂數州數縣管界之巡檢也書史會要稱釋思齊杭人書師柳公權有所書放生池碑在杭

州卽此碑也吳遵路見宋史循吏傳字安道父淑
見文苑傳遵路第進士累官至殿中丞爲秘閣校
理章獻太后稱制遵路條奏十餘事語皆切直忤
太后意出知常州章獻稱制乃仁宗初卽位時事
遵路之官大理寺丞監杭州清酒務蓋在眞宗朝
官殿中丞以前之任史從略也後列銜名十八人
史傳載楊告字道之漢州綿竹人同學究出身累
調南劍州判官知南安六合錢塘寧國縣大理寺
丞通判江寧州據此碑則大理寺丞在知錢塘縣
時已有此官段少連字希逸開封人舉服勤詞學

累知崇陽縣擢杭州觀察判官据碑則試大理許
事傳所略也餘俱無攷碑云斯郡也爲吳郡之福
壤羅城之西有湖曰錢塘或謂上湖亦云西湖羅
城者卽杭州城也吳越備史唐昭宗大順元年閏
九月錢鏐築新夾城環包家山泊秦望山而迴凡
五十餘里景福二年七月錢鏐新築羅城自秦望
山由夾城東亘江干泊錢塘湖霍山范浦凡七十
里此卽羅城之始也西湖志云西湖古稱明聖湖
又以其在錢塘故稱錢塘湖又以其輪委於下湖
故稱上湖其地負會城之西故通稱西湖碑言天

禧三年秋七月相國太原公自巖廊之任膺麾符
之寄明年秋八月公祇奉詔召入覲象闕相國太
原公謂王欽若也宰輔表三年六月甲午王欽若
自中書侍郎同平章事以太子太保免本傳云商
州捕得道士譙文易畜禁書能以術使六丁六甲
神自言嘗出入欽若家得欽若所遺詩帝以問欽
若謝不省遂以太子太保出判杭州仁宗爲皇太
子自以東宮師保請歸朝復爲資政大學士西湖
之禁採捕正在是時傳亦從畧也